

Inatsisartut suleriaasianni § 33 naapertorlugu aalajangiiffigisassatut siunnersuut ataani pineqartoq matumuuna Naalakkersuisunit saqqummiunneqarpoq:

Namminersorlutik Oqartussat ingerlatseqatigiiffiutaanni aamma tamakku ataanni ingerlatseqatigiiffinni siulersuisuni ilaasortat akissarsiaqartinneqalernissaannut politikkip kaajallaasitanngortinneratigut pisortatigoortunngortinneqarnissaa pillugu Inatsisartut aalajangiiffigisassaattut siunnersuut.

(Naalakkersuisut Siulittaasuat)

Tunngavilersuut

Naalakkersuisut Namminersorlutik Oqartussat ingerlatseqatigiiffiutaanni aningaasarsianut politikiannik kiisalu
Inatsisartut aalajangiiffissaattut siunnersuummik, UKA 2019/223,
pisortatigoortunngortitsinissaq siunertaralugu siunnersuut saqqummiunneqarpoq.

Inatsisartut aalajangiiffigisassaattut siunnersuut aqqutigalugu Naalakkersuisut akissarsiat pillugit politikianik atuuttunik maleruagassat makku naapertorlugit kaajallaasitanngortitsinikkut pisortatigoortunngortitsinissamut qulakkeerinnittussanngortinneqarput:

- I. Akissarsiat pissutsinut atuuttunut naapertuunnerusunngorlugit akissarsiaqartitsinermut politikki aqqissuunneqassaaq.
- II. Akissarsiaqartitsinermut politikki paasiuminartuussaaq ingerlateqqikkuminarlunilu.
- III. Aningaasaqarnermut Naalakkersuisoqarfimmut aamma akit aalajangersimasut naatsorsorneqartarnerannut takussutissiamut sanilliullugit siulersuisunut akissarsiat pillugit paasisaqarsinnaanissaq aamma naleqqussaanissaq akissarsiaqartitsinermut politikki aqqutigalugu qulakkeerneqassaaq.

---oOo---

Naalakkersuisut Namminersorlutik Oqartussat ingerlatseqatigiiffiutaanni siulersuisunut akissarsisitsisarnernik sanillersuussissumut modelimik sulissuteqarnertik nangeqqissavaat. Aningaasaqarnermut Naalakkersuisoqarfimmut aamma akit aalajangersimasut naatsorsorneqartarnerannut takussutissiamut sanilliullugu siulersuisunut akissarsiat pillugit paasisaqarsinnaanissaq aamma naleqqussaanissaq ilutsip qulakkiissavaa.

Naalackersuisut Namminersorlutik Oqartussat ingerlatseqatigiiffiutaanni akissarsiaqartitsinermut politikkiat nutartigaq sisamanik pingaarnernik anguniagaqarpoq.

- A. Siulersuisut akissarsiaasa inuussutissarsiutip suunerata aamma sulinerup annertussusiata kiisalu ingerlatseqatigiiffiup inissisimanerata malitsigisaanik nalinginnaasutut isigineqarsinnaasut qummut qaangersimassanngilaat.
- B. Akissarsiat qaffasissusiat siulersuisut akisussaaffiini, piginnaasaanni aamma piffissamik atuineranni takussuserneqassasut, taamaaliornikkut akissarsiat qaffasissusiat naammaginarpoq unammillersinnaasorlu piginnarneqarsinnaammat. Taamaakkaluartoq tamanna akissarsiutaassanngilaq,
- C. Siulersuisunut akissarsiat aalajangersaaffigineqarneranni, ingerlatseqatigiiffinni assingusuni allani qaffasissuseq isiginiarneqartassaaq
- D. Ingerlatseqatigiiffiup akissarsiaqartitsisarnermut politikkianni imaluunniit ukiumoortumik nalunaarusianni allaqqasimappat, ingerlatseqatigiiffik pisuni immikkut ittuni, ukiumoortumik akissarsiat aalajangersimasut saniatigut aqutsisutut ilaasortarisaminut ataasiartumik akissarsianik immikkuullarissunik tunniussisinnaavoq

Ataatsimut isigalugu akissarsiaqartitsinermut politiki ullutsinnut naleqquttuussasoq, akissarsiat akisuusaaffimmut sulinerumullu naapertuutissasut aamma akissarsiat pillugit politikip piginnaanilinnik Namminersorlutik Oqartussat ingerlatseqatigiiffiutaanni siulersuisuni atugassanik sulisussarsiornermut tunngavissiissasut Naalackersuisut isumaqarput.

Akissarsiaqartitsinermut politikki atuuttoq 2014-imeersoq ingerlatseqatigiiffinni pitsaasumik aqutsinissamut malittarisassanik, taakku 2011-mi Inatsisartuni politikerinit tapersorsorluarneqarput, aallaaveqarput. Akissarsiaqartitsinermut politikki Namminersorlutik Oqartussat ingerlatseqatigiiffiutaanni siulersuisunik akissarsiaqartitsinissamik Naalackersuisut aalajangerannut ajunngilluinnartumik tunngavimusimavoq.

UKA2019-imi imm. 223 , ”Malittarisassanik atuinerni paasiuminassutsit kingunerisassallu anguneqarnissaat siunertaralugit Namminersorlutik Oqartussat suliffeqarfutaanni aamma tamakku ataanni suliffeqarfinni siulersuisuni ilaasortat akissarsiaqartinneqalernissaannut politikimik pisortatigoortumik 2020-imi upernaakkut ataatsimiiittoqannginnerani Naalackersuisut saqqummiusseqqullugit Inatsisartut aalajangiiffigisassaattut siunnersuut.” akuerisaq piviusunngortinniarlugu Naalackersuisut UKA2020-imi imm. 197 ”Namminersorlutik Oqartussat ingerlatseqatigiiffiutaanni aamma tamakku ataanni ingerlatseqatigiiffinni siulersuisuni ilaasortat akissarsiaqartinneqalernissaannut politikkip

kaajallaasitanngortinneratigut pisortatigoortunngortinneqarnissaa pillugu Inatsisartut aalajangiiffigisassaattut siunnersuut.” saqqummiuppaat

Naalackersuisut akissarsiaqartitsinermut politikkiata misissuiffiginissaani aktiaateqarluni ingerlatseqatigiinni Namminersorlutik Oqartussanit pigineqartuni siulersuisut akissarsiaasa ajornannginnerusumik naleqqussarsinnaanissaat anguniarlugu periutsimik atuisoqalernissaa anguniagaavoq, taamaaliornikkut akissarsiat qaffasissusaat pissusiviusunut naleqqunnerulersinniarlugit. Tamanna siusinnerusukkut akissarsiaqartitsinermut politikkimut 2012-imeersumut atuuttumut akerliuvoq, taamanimi Namminersorlutik Oqartussat ingerlatseqatigiiffiutaanni akissarsiat amerlassusiat ingerlatseqatigiiffiup qanoq kaaviiartaqartiginera tunngavigalugu aalajangersarneqartarsimmata.

Naalackersuisut Namminersorlutik Oqartussat ingerlatseqatigiiffiutaanni akissarsiaqartitsinermut politikkiat pillugu kaajallaasitaq ilanngussatut kakkiunneqarpoq atuutilerneranilu Naalackersuisuts nittartagaanni nassaarineqarsinnaanngussalluni. Kaajallaasitap nutaap akuerineqarneratigut Naalackersuisut Namminersorlutik Oqartussat ingerlatseqatigiiffiutaanni ataasiakkaani akissarsianik aalajangersaanissamut tunngavissaqalissapput.

Ilanngussaq:

Naalackersuisut 2020-mi Namminersorlutik Oqartussat ingerlatseqatigiiffiutaanni akissarsiaqartitsisarnermut politikkiat